

բայրն, զեղբոր հարան, և զվեզիրն: Տեսաք զսէրայններն և զայլ ամենայն սալթանաթն սէրային. գեղեցիկ շինուածք ոսկեղէն, արծաթեղէն և ձևվահրեղէն. ութը կամար մէկ մէկի վրայ, արծաթեղէն և թուրլու-թուրլու ամարաթով:

Եւ մին երկայն սրահ, որ է խաղալոյ տեղ, որ կէսն շինած էր, և զկէսն նոր կու շինէին. որ վեց միլիոն խարճ կու գնայր. որ իւր զափուն էր, և ամենայն երկրի վրայ մէթհ անելու տեղ կայր. թահմին արաք որ ժղ միլիոնի զարդ կայր:

Այն տեղէն գնացաք 'ի պաղջան: Առաջին նէրտիվանն¹ կայր 5 հաւուզ ջրով իլինք, և հաւուզներու մէջն կերպ-կերպ ծաղիկ շինովի պղնձէ ոսկէջրած. աջակողմեանն այնպէս, ձախակողմեանն այլ այնպէս: Նորա ներքեն թէրբար տեսաք այլ ևս 5 հաւուզ մեծ ջրով իլինք, մէջ ջրին ծովային ձի, և մարդիկ, որ բերաններէն ջուր կու փչէր, և հաւուզներու բոլորն՝ գորտներ, մէյմուններ և ամենայն ազգ կենդանիներ՝ որ ջուր կու փչէին: Եւ նորա ներքեն հաւուզ մի այլ կայր բոլոր և մեծ, որ չորս բոլորն՝ չորս եղանակն է, և ամենայն եղանակն՝ իւր կենդանիքնէր՝ որ բերաններովն ջուր կու փչէին: Եւ նորա ներքեն կայր երկայն ծով մի, որոյ մէջն կայր 17 նաւ մեծ և փոքր՝ ոսկով զարդարած, թօփով և առանց թօփի. զայս գրածներս սէրայէն կու բռնես մինչև 'ի ներքին կողմն: Իսկ յայս կողմն և յայն կողմն կայ անպատմելի արարմունք. 36 դուռն ունի երկաթէ, ամէն դուռն մէջ 36 կերպ շինուածք ունի, որն երկաթի, որն քարի, որն մէրմէրի, որն պղնձի, ամէնն ոսկով վարագած: Որչափ ծովային, օդային, լեռնային և դաշտային, և որչափ Աստուծոյ ստեղծուածք որ կան՝ կերպ-կերպ թռչունք, անասունք, գազանք, սողունք, լողունք, ամէնն շինած էր, ամէնու բերնէն ջուր կու թռչի: Այսքան շինուածին մեծութիւնն բ միլ է, որն որ ամէնն շինուածով լի է. 3 միլն՝ մին աղաճ է, 6 աղաճն մին մէնդիլ է. այս բ միլ տեղն ամէնն շինուածք է. գետնի տօշամէն արճիճ է. արճի գիւնն 45 միլիոն է. որ 45 միլիոնն կանէ Օսմանցւոց 90000 քէսան: Այս ներսի շինուածքն է. թո՛ղ զգրսի շինուածքն, որ բ այնչափ է: Եւ 'ի թաղաւորի սերայն բ թաււայ կայ, որ սէրայի զիմացն է. թաււայ ասիւն տիվանխանայէ. 55 միլիոն է. թո՛ղ զմիջինն և զէթրաֆն:

Ելեալ անտի՝ գնացաք 'ի դուշխանան, տեսաք անհուն թրուշունք՝ ազգ և ազգ կերպ թռչունք: Կայր քէնքուլաւոր հաւ մի, որ 600 դուռուշ էր. օրն մի դուռուշ խարջ ունէր: Կայր օրդալ² մի,

¹ В скобках куреном: անդուխք.

² В скобках куреном: բաղ, փափի.